

四庫全書

集部

欽定四庫全書

御製詩四集卷二十

古今體一百二十四首

甲午四

閱本

閣中發報章隔日至山莊

向居熱河隔兩日內閣發本  
一次謁陵駐盤山隔一

日發本一次  
此舊例也

勵志所無逸勅幾彰有常惟因切民莫益

慎董官方敢曰批觀熟恒於久敬覆

即事

即事書懷趁幾暇箇間春色方穠姹益之蒼松與怪石  
繁麗偏饒古風化古風萬劫祇如斯繁麗無過一時乍  
岡環溪抱不易窮止止弗入深盤中門前驛或遞軍報  
誤我半刻籌軍容十日之遙各路將軍馳奏軍報皆須  
十餘日始達近日官軍進  
勤得其險要即可深入  
以此盼望捷音尤切豈爭半刻而我心方待已迫以  
已度人情可測

山雲

山雲出岫原無定時作陰還時作晴幻得千峯明晦別

迴超六法畫圖橫肩輿披異寒暄景點筆吟參動靜情  
設使崇朝復為雨佳哉實益利新耕

題錢維城龍井八詠詩圖疊前韻作

過溪亭

過乃無心不乃留辨才此語解酬不橋亭却占第一義  
無語祇看溪水流

滌心沼

滌心寧與正心異儒墨那須越視秦不遠雲棲亭子路

洗心題額又何人

一片雲

雲出石根石肖雲入深衣履潤氤氲九歌屈子如來此  
定不於中別號君

風篁嶺

延壽山西聳碧岑陰籠篠簜蕩翠森森祇今疑似風吹動  
仍是春巡耳裏音

方圓菴

方圓菴記元章蹟

方圓菴記釋守一作米芾書

視履頻頻論考祥

記中

有云冠圓冠以知天時履句復以知地形云云

未脫語言文字者或驚傑作亦

其常

龍泓澗

天池貯水為龍井引作飛泉擘澗流遙想高僧迓太守

龍團款客正相投

見趙抃龍泓亭詩序

神運石

徒傳龍井昔淘穿石出渾如湧出蓮神運不知誰所勑

滄桑恒此閱遙年

翠峯閣

松頂樓疑落絳霄目登咫尺路非遙侍臣業復去無返  
畫冊惟餘姓氏標

泉香亭再題錢維城畫龍井八景冊

本自田盤富石泉略摹龍井遂同焉境疑南國巡方日

畫在文臣視學年

乙酉南巡時維城為浙江學政圖此冊以進因此間結構仿似龍井遂以

題弄今冊在人亡為之慨然

因以弄藏時印證底須畢肖昔方圓龍井

尚有方圓巷為辨  
才故蹟此則未築

江鄉歸去俄成古不覺披圖一惘然

### 題泉香亭

泉共飛花落花香泉亦香豎鋪天如錦淨洗壽陽粧何  
處覓形色由來泯幻常忽思龍井上

是處結構肖龍井  
龍泓澗亭子為之

點筆詠流芳

### 寫音書屋

高下泉聲互寫音聽來非石亦非金義經仁知各殊見  
沃我愛民一片心

養虛齋

倚窓邂逅會心殊  
壑趣巖姿箇裏輸  
齋養虛還不言養  
問心可得似茲無

婉孌草堂

曲折石廊連草堂  
宛在焉探奇復此  
日題句緬前年嶺  
外春雲寫窓前  
瀑水懸曹風如展  
讀即境惕其然

對瀑

對瀑之作不一足  
却是諸作無同者  
亦如振鷺落層巖

今流非是昔所瀉昔瀉今流如是乎謂異不可謂同愚  
擬擬聲色漱石冷洗盡萬古人分疏

題董其昌婉孌草堂圖

因畫名堂堂貯畫即名即畫兩無孤室中窓外相清映  
訝似香光為我圖

去聲

詠官窰乳耳鑪

質堅色滋潤三足鐵釘承乳突疑流汁耳冲可繫繩千  
年火氣泯一縷篆煙凝底用叅鼻觀

去聲

居然入定僧

山中二首一韻

稚松

高纔盈尺出沙陂便有凌雲想拔枝一卷陳書適在手  
對如江總少年時

老杏

一株老杏倚山陂  
泣露紅花三兩枝  
恰似琵琶歌少傅  
夜深忽憶少年時

清溪

清溪一帶穿沙澳石與為巨曲復曲斜臨時映杏花紅  
直刺或者蒲葉綠渟池色作玻璃明落澗聲為琴瑟鳴  
是聲是色非聲色恰得根塵洗以清沿流傍岸肩輿出  
迎眸滿志挹澄泌設使寬展可通舟直堪傲彼王摩詰  
題和闐玉鏤東坡夜遊圖

不眠閒訪友月色正蒼涼底用秉霄燭耐堪步野塘承  
天寺將到積水地何方  
圖中馬東坡  
猶未至寺景設謂同心孰依稀  
似姓張

遊古中盤

出園閑馬候巖隈得得山溪淨絕埃峯峙雲根全露骨  
松生石縫善藏胎招提依舊豈予別調御端然識我來

東壁槃阿坐精舍奇含憲裏供

去聲

吟材

古中盤口號

中盤名以在盤中不是昌黎為李宮考證多年方得實

向以田盤有盤谷中盤之名其山亦在太行之陽疑此  
即韓愈送李愿歸隱處每作詩文多引用之後乃考訂  
李愿所居之盤谷實在河南之濟源縣舊祠碑記並存  
因製濟源盤谷考證磨厓錫識兩處以正前此之誤

因知理境最難窮

少林寺

少林有南北

此間為北少林寺其名始於元時蓋因河南嵩山亦有少林寺以彼為南也

對

峙不為孤忍草一庭靜禪枝萬嶂扶閒軒聊可憩佳景

自相輸憶遜豫巡者

嵩山少林寺內藏一石片其上隱隱有面壁像雖屬偽作曾一摹之

曾臨面壁圖

東竺菴

向深知隱竺招提因復乘閒跋馬蹄古殿無牆林作戶

山僧有望路傍溪到來今幻漫思昔不覺東真那論西  
却是女夷工綴景蒼松側畔點紅萸

千尺雪

山莊西北門出入遊山便問景消數刻適可言旋轉澗  
水隨我至牆牖瀉漉泫故蹟遺唐年暎甲魏石片溪堂  
俯澄流於焉憩清燕雪花與雪珠皚皚落當面為聲清  
耳根為色淨目觀數典憶寒山春光應爛漫

題唐太宗暎甲石

蓋蘇文叛事親征暉甲因傳此石名創業守成殊理道

太宗開創主也天下既定斯為守成之君以海外叛蠻而事親征失輕重矣拒人矜已失權

衡魏徵已仆墳園碣仁貴徒攻安市城糧盡師班深自悔慎終惟始訓猶明

題唐寅品茶圖

越甌吳鼎淨無塵煮茗觀圖樂趣真不必無端相較量較來少愧箇中人

登半天樓

遊山策馬還登樓乘興上馬外興於內偶涉適清賞興  
逸馬則勞其殊亦宜想數息念衆人薄賜例依往逕造  
半天居仍寧淩虛幌目既為之遙心既為之廣廓然忘  
筌蹄那更論今曩

效深室

高處難為深却有室深此怪石鎖攢叢密林幕庇虎時  
或白雲興咫尺迷所以是皆深於外更有深於裏人實  
室之心其深未易擬

朶山亭

崇山如太華怪石即蓮朶幾曾藉玉井放葩標婀娜小  
亭構其間石乃亭中裏笑非太乙仙却得蓮端坐淨植  
高復低清香右還左欲傲十大花經冬可弗可

靜夜吟五疊舊作韻

良宵靜未深堪以惜陶陰惟是凜君鑑敢言撫帝琴小  
遊非適已所憶孰知音寄語松梢月好懸古鏡心

題和闐玉雲龍小盃

攻肖周人雅形摹韓氏辭雲疑專霰黠龍亦作之而撫  
手欲生潤澄懷足養怡還如應真鉢祝可現蓮蕤

夏芷洞庭春漲

風勁波狂怒石當傾檣摧檣衆驚忙城樓坐客閒憑覽  
世事如斯曷有常

題魏了翁周易要義

華父師敬子

李燾字

其學傳紫陽紫陽注周易獨稱卜筮

方舉占意有謂恐人涉荒唐

朱子作本義首列筮儀每卦明若象占使人知觀象

此辭而不魏乃宗正義刪繁取其臧釋文考陸氏兼引涉於臧緯

馬

融

鄭

康

王

肅

簡

以

得

其

要

約

而

頗

致

詳

彛

尊

尚

弗

知

朱彛尊經義考未載此書

希

寶

誠

吉

光

開

宗

闢

虛

元

孔

門

教

用

彰

其原

序云傳易者更相祖述惟魏世王輔嗣之注獨冠古今江左諸儒並傳其學其江南義疏十有餘家皆辭尚虛

元乃義涉於釋氏非為教於孔門也

三

易

明

周

稱

蓋

謂

取

岐

京

叶

乾

健

具

四德坤順惟隨倡弗牛而曰馬牝馬行元疆

此書解利

牝馬之貞

謂坤是陰道假借柔順之象以明柔順之德且謂不云牛而云馬者牛雖柔順不能行地无疆

然

予

更

思之仍即一乾剛

純

坤之牝馬

正

永

乾為馬

而

言

蓋

馬乃

純

陽而在坤則為牝馬故乾直曰利

利

貞而坤云利牝馬之貞則坤之四德一乾之四德仍是以順為吉

乾坤分

去聲

既定餘卦

推類明

叶

大端弗失正十翼臣之良出處益卓然正色

立朝綱豈徒託空言用易誠有常四庫廣搜羅懋柱出  
珍藏鈔刻俾歸之牖世文教昌卷首題五言用賁世守  
長

遊天成寺

借問天成幾時一番來啟一番思寺樓仍倚南窓坐  
石壁翻看北障詞昔豈料今今視昔離原即合合非離

漫猜忽作禪宗語即境誠知有若斯

萬松寺

石梯沙磴歷層層跋馬直前我尚能一飲曹溪萬緣息  
孰相應孰不相應

翠濤翻作梵聲聞十八公斯靜業薰李靖劒臺猶隔嶂  
付他際會詡風雲

青峯寺

盤磴過北嶺犁然分陰陽山陽景向暄山陰仍颯涼青

松翻寒濤白雪積冷光榮馬到月宇屨步入雲匡近黛  
與遠螺迎人待句償本為偷閒來應接覺增忙

法藏寺

法藏何年名殘碑無覓處半字與滿字吾將問調御但  
見盤龍松童童翠如故轉三輪則然提全物胥悟畫寫  
及詩吟多事翻成誤小憩適可還林外鐘聲度

望雲罩寺未至寄題

雲罩何曾雲罩之分明簪影望中披最高意嬾鳴鞭上

昔日今時有所思

上山猶可下山難  
身歷得因屢據鞍  
萬事大都還若此  
一時有會識其端

佛殿前頭樓俯空  
平臨薊野望無窮  
雲窻阿那憑欄處  
飛興清吟想像中

西甘澗

山前及山後小遊數處  
歷歷雲罩望未登  
便似歸途覓徒  
有逸興飛力弗昔年  
敵然斯正何礙勅  
幾應不息尋逕

實向東甘澗稱西壁則以更有東林巒互蔽匿乃知名  
無定稱謂何紀極金仙跌古菴笑均烏鰓墨

東甘澗

過嶂別西東澗甘地脈淥隨緣皆可憩何境不相融顏

子曲肱飲性公無意通

用大慈寺  
虎跑泉事

一般有餘樂那問異

和同

再題千尺雪

月朔禮祇園言旋入石門山遊路婪尾靜寄水探源

靜寄

山莊之水總  
以此為源

小閣憑流坐五言即景論底須憶南北四

卷箇中存

盤山千尺雪傲吳中景為之西苑熱河並皆  
傲作余既親寫盤山卷而西苑熱河吳中則

命董邦達錢維城張宗蒼各為圖卷每度彙四卷分  
之每臨展一卷餘三卷亦俱在目無異置身其間也

再登半天樓有會

嘗聞子輿言事半功有倍西嶂已山腰嶺樓望中在少  
進便可至何必中途改返而或再登益勞當有悔為學  
與為政為師胥戒怠知我若斯行之誰能乃

冷然閣六韻

一嶺隔東西循巔遂至低左臨尚天半右盼與雲齊到  
閣原平砌降庭仍拾梯為高因迴耳半事倍功兮昔歲  
即今日新詞復舊題冷然襟袖滿藉用拂塵倪

再題雲林石室

下嶺為降高造室乃入幽而幽實繁高望惟勞舉頭亦  
如進德者步步惟心求苟其詣心源萬物備以周案置  
朱子書翻閱有合不

對山亭雜興作歌

何處不對山山亭名獨占恰如孔門七十子祇有顏淵  
鑄無欠草色花香四時閱水流石峙千古驗仁者謂仁  
知謂知明以合明暗合暗萬物皆備於我矣豈必勞勞  
思以三

讀畫樓口號

詩中有畫畫中詩薈美連珍合在斯既可觀寧不可讀

却因題句小山思

鄒一桂有詩中畫畫  
中詩小冊向曾題句

貯清書屋

貯清書屋因貯石石不期貯貯斯清田盤硯石率礪硤  
雄也其神清且英屋構斯石弗斲去遂緣厥上橫架楹  
全石之天愜我願報我以清清則誠畫壁蒼松森翠影  
根皆抱石相搪撐孰真孰假孰分別一例視之無復為  
閒評

鑑波亭

鏡光晶朗復沄溶亭子臨波可鑑容清會今朝又殊託  
看開生面別唐宗

交翠榭

林樹微微纔吐葉嫩含新翠始相交其間無改惟松栢  
合作千年白鶴巢

霞標亭

亭據最高處煙霞俯下方赤城堪比擬碧宇與低昂峯

迴無遮遠春和不礙涼兩言題四柱數典自山莊

避暑山莊

有霞標軒居峯頂每歲夜遊山月輒登之以待月上茲蓋倣而題之因其高也

受宜居

雲白松青山自靜花香鳥語物皆怡問予即景應何句  
無盡春光受以宜

題鄒一桂杏花

春遲前歲未花放節早今年却見花真者在前語誠有  
小山此實不爭差

雅淡精神不染塵窓前壁上並輝春誰知一別江南去  
竟共徐熙黃荃作古人

和閔白玉方餅

和聞玉易致量

去聲

質琢方緝詎詡昭華琯常疑抱璞庭

向因和聞采玉曾證陽璞辨玉之說為妄是以有卞和三獻別兩足審然天下應無玉之句

雷紋明

似篆獸面宛呈形玩物斯同否旅焚訓著經

### 題趙蕤長短經

鄭縣創為救弊論愛憎毆業匠和函向時雖類縱橫說

憂末原歸理道談

首章梁括  
終序語意

宋刊弄自教忠堂通變稱經曰短長比及亂時思治

去聲

亂不如平日慎行王

二章評  
作書者

卷原稱十今失一總目翻看餘一篇

趙絳自序稱總目六十三篇合為十

卷而卷後沈新氏跋語乃稱第十卷缺存者六十四篇今細檢篇目實六十四凡九卷與沈跋合按之稊序所云卷既缺一不應轉多一篇考新氏跋乃文獻通考原文其云龜氏則龜公武讀書志北夢鎖言乃孫光憲所撰今檢公武志亦稱六十三篇而光憲僅言書十卷不及篇數蓋龜孫皆就稊序錄載未加詳考至馬端臨始為覈正耳第與原序跡異處理殊難晚意者六十三篇三字乃五字之訛其第十卷陰謀家止有一篇亦未可知然無可訂正存以闕疑

既是梓州善經濟不應

平聲

辟召又何焉

三章

總論  
前書

津瀛文苑繼家聲四庫蒐羅俾贊成邂逅世臣獻遺簡

向年論學憶西清

四章紀事實是書為編修勵守謙所呈乃其家藏本教忠則勵廷儀堂

名也守謙之曾祖勵杜訥祖廷儀父宗萬皆侍直內廷今守謙亦官翰林為四庫全書纂修可謂以文學世其

家者

### 趙左松陰論古

草菴下對坐幽人一望而知寂契神設使王褒文集論  
當嗤聖主得賢臣

### 上巳日作

三月令日盤之中萬松拔翠千花紅古人此日修禊事

雖無川水山實崇崇山之間石崕嶠界以飛泉濺玉髓  
引注時復得小池具水之趣斯水耳因之數典憶周禮  
與其霽浴為祓除不如虛室之生祥止止

王蒙松壑高賢圖

布席掃苔坐相對幽人策杖更尋來如詢別號為誰氏  
應不出乎松竹梅

引水

盤中水易引引易難為貯是地泥非沙一泓宛堪觀順

其就下性遽降得四五疊石遮防瀉劇土導卑俯青蒲  
刺其洲白芷縟其淑江鄉詎云遙竹汀接柳渚鑑基貴  
待時孟氏傳章句叶日涉趣益成陶翁著辭語

### 翠市亭

不礙簷端嘉蔭披迴竒深秀攬無遺東坡擇勝猶勞矣

東坡守汝陰作揮勝亭以  
幃幙為之見漁樵叢話

何似林亭綠作帷

### 再題寫音書屋

導泉自遠來曲注圍階屺不徐復不疾既活亦既泚琴

筑惟假借宮商更虛擬繹如適合宜鏗爾真稱美落崖  
乃轟然萬馬奔騰比乃知雄壯者弗及蘊藉耳

泉香亭上即景

泉香亭子效龍泓龍井居然縮地呈月照豈分南北想  
風吹不斷昔今聲落花自有文章趣瀉澗全無留戀情  
對此應忘一切念難忘江國念民生

閱錢陳羣書遊盤山詩冊有感

昔年扈蹕至田盤給假遊山春未開得句書呈藏靜寄

一迴來必一迴看

五古穆如蘇李詞愛他更具頌中規同遊恰是竹林數

陳羣冊中錄品庖從諸臣遊盤山詩跋云同遊者協辦大學士阿克敦侍郎介福學士鄒一桂通政司叅議薄海太僕寺少卿介錫周中書祝維詰云云今相隔僅二十餘年而同遊七人竟無一存者矣

屈指都

成鬼簿披

門前雙杏護山莊五字聯吟錢與汪

冊後附錄題行宮門外雙杏五絕句

與汪由敦同作今距由敦之亡亦十七年矣

雙杏依然人去矣那堪對樹更

尋芳

盤山春日塞垣秋得句郵傳影唱酬

每於盤山熱河駐蹕得詩較多必錄

寄錢陳羣和韻今復復誰可與言詩乎

今日吟成誰與寄可憐老輩謝都

休

題陳汝言松陰對瀑

卓立屢屨對瀑流松風吹髮冷颼颼抱琴童謂宜成操  
姑置聽他自唱酬

得概軒有警

數日駐名山將謂概已得誰知景不盡日日殊山色雲

煙朝暮變方向高下易今泉豈昨泉豎石復橫石啟思  
恒弗同探秘渾無迹然此祇言遊隨意皆可適物理與  
幾政隱情過斯百率云已得概惕將成大慝

### 清嘯亭

翼然亭子據峻嶒清嘯為名興偶憑未學役心與感口  
早知阮藉遜孫登松風石瀨寧非比溪虎峽猿安足稱

深溪虎巫峽猿  
皆嘯章之名

高士曠音非我事我惟無逸凜冰兢

### 心鏡齋

半畝清池遠落源恰於池上構書軒譬之曰鏡鏡如是  
照必以心心可存有月最宜圓影入無風底用細瀾翻

永明善喻閒曾閱

永明壽禪師有  
宗鏡心賦諸作

謂彼猶為饒語言

題崔彥輔溪山煙靄三疊前韻

一幅原來素紙空溪煙山靄忽鋪同不於妙處觀生動  
俗手尋常亦可工

留雲室

無心纔出岫有意欲留齋何則知其故依然稱我懷摸

捫皆不可淡蕩以為佳片刻原飛去惟餘潤滿階

滌文榭疊舊韻作

動涵風復靜涵雲池水於盤他鮮羣

盤之水皆挾涉以流似此成池者鮮

設以道元相印證是為東壁畫其文

趙州栢林寺殿壁有吳道子畫東為

文水西  
為武水

池上居

石溪三疊各成圓引貯清泠牆外泉生面印來聖湖月

三潭印月為西湖十景之一

源頭悟得紫陽天

天光雲影共徘徊及為有源頭活水來朱

子句也

菁蔥自有蒲和芷活潑那無魚與鳶欲擬長篇詠  
池上白家先著祖家鞭

琴峽亭

琴始無琴名而況取譬水桐自誰為斲絲復誰為理絲  
桐既屬幻那更論宮徵出峽泠泠者笑謂失遠矣

漱瓊軒

盤水方流處得教瓊擬之響為夔所憂秀祇卞應知蕩  
蕩軒前映泠泠階下披如云漱勝石孫楚則伊誰

清諧堂

清至田盤誰比並虛堂擇勝與相諧萬峯坳壤常當戶  
一水溟濛恰繞階林色樞機纔有象太空軼軋正無涯  
恒茲習靜豈不樂却慮周書無逸乖

農樂軒

太古盤中太古軒土階茅屋撲風存引流種稻無須井  
向暖栽篁可當垣戶對常欣足山水粒餘兼得育雞

去聲

豚匣藏耕織圖頻展

軒內貯墨刻耕織圖條  
康熙三十五年泐石者

家法勤農此意敦

夜雨

三月初三日

山靄晚濛濛頗有變風勢  
弗風翻作雨欣慰出不意攬  
衾聽弗眠細響隔窓通  
細而遂因止問南潤濡地  
露足以為佳又覺惜難置

過大嶺作

薊

州

平

谷

一嶺

隔

東

西

陡

峻

惟

堪

跋

馬

蹄

靜

寄

儻

來

還

儻去定光

雲華寺塔名

雲

聳

復

雲

低

我

方

惜

以

未

成

雨

衆

且

欣於弗作泥暫就郊原易輿度徒觀連隴麥萋萋

聞京師得雨

仲春田盤雨寸餘近京無此番不及寸踰寸被京都彼  
此均我土我土止此乎寰宇望時若望多愁多夫餘寸  
澤雖微亦屬春膏濡晚來山吐雲英英四野鋪仍冀優  
渥霑利我三農夫

順義縣行宮再疊己丑舊作韻

維暮春之月氣和景已融柳垂陶宅綠杏放董林紅路

近匪勞衆幾閒更勅躬星言明啟駕為是謁

慈宮

迴蹕詣暢春園恭問

皇太后安即景成什

寅牌夙駕到惟辰趨請

安怡詣暢春虔肅祝

年永期萬往來數

上聲

日甫逾旬香山

遊豫諭云樂盤谷瞻懷念以申祇待軍營鴻捷報尚塵

慈顧問承頻

御園暮春遣悶

仲春啟蹕暮春迴十日韶光瞥眼纔綠水青山疑畫展

新萋繁藹迎

去聲

人開臨池撫帖三倉衍棄暇翻書四庫

裁之二者猶略遣悶悶因亟望捷音來

阿桂昨奏一二日內即覓路進

攻計廿四五日當有大捷是以連日盼望喜音尤切

直隸按察使達爾吉善奏報保定得雨六韻

方伯適扈蹕臬司留省城奏稱三寸雨

昨在盤山初三晚雨佳濕地而

京城之雨約有寸餘今臬司達爾吉善奏保定省城於初四日自寅至巳得雨三寸蓋愈南則雨愈大也

真慰一心縈迤北膏微遜當春盼益誠明知土猶潤業

已黍新耕於澤寧辭足繼霑始愜情豫郊乃亟待

河南巡撫

何謂於二月廿六日摺奏豫省晴霽略久雖屢得微雨俱不成分寸現在尚資透雨若半月內普獲甘霖二麥仍可卜豐收云

卜度繾懷并

將軍阿桂奏報攻克羅博瓦山碉痛殲賊衆相機

進剿詩以誌事

羅博瓦最高四峯互圍擁危石鎖巖穿氷巖滑籠從賊

緊要門戶死守弗開空然勢在必取將軍申戒董八旗

子弟兵其中多將種心既堅忠義力倍加拳勇偏伍與

彌縫部署勞洞洞

阿桂奏羅博瓦山最關緊要此一路必當竭力始得建瓴之勢因於二十

三日派海蘭察等統兵九百名攻第二第三山峯中間  
了口以截斷賊人歸路又令額森特烏什哈達帶兵在  
後續進海祿保寧之兵又繼之普爾普仍攻羅博瓦之  
前山峯福康安攻喇穆喇穆大礮又令特成額成德等  
由左邊山溝潛  
進以牽賊勢夜發曉將及賊聚拒衝湧據高直下擣

我師屹弗動待其近至前持滿無不中叶綠旗及土練

激勵均躍踴履險如席平騰高擬鳥攫刃矛短兵接賊

敗不旋踵隴種奔案角怱跟逃穴孔兩日剋八礮廿六

卡獲兇賊巢斯已近一鼓期收總

廿三日三更傳令軍士進發將及黎明官

兵分爲五路各自爬越而登賊先已知覺即攢聚羣賊  
往下直衝勢甚兇猛官兵內雖有被石滾傷之人並不  
稍爲移動俟賊人衝近持滿而發無不應弦即倒既近  
則刀矛短接傷斃亦多賊人勢不能支始行敗退官兵  
上緊追殺直上山梁賊衆除殺死外并有抱頭滾落崖  
下胥中者海闊寨一面占據了口礮卡一面往搶三四  
峯及峯下一岡礮卡盡行攻克普爾普督兵攻打兩夜  
意氣騰上攻開礮座統計賊賊二百餘促沒頭人二名  
攻克大礮八座大小二十六卡搶獲礮位火藥鉛丸甚  
多距遜格爾宗不過五六里俯瞰賊人礮寨竟可直下  
沖壓擬從羅博瓦對面山梁發兵截斷其後賊自不攻  
自潰長驅直入更爲得解阿佳調度有方諸將領亦奮

勉出力因晉阿桂太子太保海蘭察授內大臣普爾普  
額森特授散秩大臣並賞荷包有差佇俟功成懋賞  
然子更有思好生承

天寵逸德玉石焚佳兵誠宜奉渠魁所弗赦脅從實惜

懂曉之令歸命倒戈或陰拱

官兵殺賊甚衆賊必心生  
畏懼然賊太多朕心有

所不忍因諭將軍等及賊番驚怯之時開誠曉諭以此  
事由於逆酋之負恩反噬罪在不赦與諸番無涉番衆  
中如有能設法擒獲索諾木及莎羅奔兄弟並其姑阿  
青頭人丹巴沃雜爾等至軍門來獻者奏聞另加賞錄  
若能棄逆投降降者亦可貸其一死若子安挿諸番如果  
明於順逆禍福自求可生之機既覺事半功倍且可免  
致玉石俱焚方合  
朕好生之心耳  
誅殺既弗亟成功庶速鞏寄諭相咨

諷慎事惟虔疎

西直門外

御園信宿遂還宮為是齋居合禁中吉亥將行耕藉禮  
壽萱必告歷年同

近隴遙阡麥穎齊艷含晨露綠萋萋如滋渥雨秋堪卜  
益切殷殷愷澤徯

豐澤園演耕畢憇春耦齋作

演字曾無六經見由來訓習久沿訛可因已罷數年閒

春耦齋本以演耕得名適年因扶犁之典久習丰稔預演不覺已閱數載矣

未得仍停此日

過

茲以進宮齋戒之便順道經豐澤園仍一演習非惟使舊典不至久輟且前期習勞於身體亦甚有益也

實以劬農爰再舉亦堪摘藻事重哦自彊不息傳義象斯即一端切已多

山東巡撫徐績奏得透雨詩以誌事

同日田盤剛及寸青齊盈尺奏書聞

初三日驟盤山夜雨尚未及寸昨達

爾吉善奏保定是日得雨三寸餘今徐績奏初三日酉時省城甘霖大沛至初四日寅時止入土深透此次雨勢甚大露被必廣黔黎總我心懷內遠近寧他疆界分燕北地

寒待差可河南侯早望尤殷

何燭前奏豫省望雨甚殷若半月內得雨二麥可仍

冀豐收故連日盼中州報雨之信尤切

為

去聲

民祈歲悠而廣以是多憂故

少欣

詠靜怡軒前梅花

江左梅樹欲結子禁中梅樹方放蕊南北遲早殊若斯  
都緣氣候之所使氣候天然弗可違不齊之齊乃大齊  
豈無古榦及香片火攻巧奪由花師未若庭前雙植樹  
祇須羶棚冬畧護暮春亦自芳葩開不藉人工足天趣

溪邊山畔縱未能風亦香飄月亦橫恰如高士弗欲速  
素履貞吉饒餘清

題宋人戲嬰圖

湖石花開富貴春崢嶸遊戲亦彬彬漫教白眼看四子

圖中四  
嬰兒

長大都成講德人

耕耨日祭

先農壇禮成有述

春巡昨歲未躬親敢濶劬農倡萬民先詣

方壇祈

惠佑遂臨膏壤舉耕昉節勞祇以行三返敬事寧當懈

六旬

耕耨祭壇如遇巡幸在外則遣官恭代或有以余既適六襄扶輦之勞似當從節為請者余以事

屬劬農詎得因茲增圖逸且自念精力尚足相副故親諸如常惟向所加四推四返步履不免過憊邇年仍按古禮三推云佈宇雲濃將作雨顒希吉霽自

天申

詠官窰三登瓶

修內成秘器年陳陶氣澄那餘下策火祇裂細文冰葆

有精神足疵無髻墜曾藉迴閒玩古

是日耕藉還宮將以明日幸南苑取

道近也即物祝三登

### 啟蹕幸南苑

南苑邇來臨弗亟去年今歲兩臨加昨緣迴蹕奉

金臆

上年春閱視河汶工程因恭奉天津由水程迴鑾登陸後便道披奉

皇太后巡幸

慈輦臨

憩南苑

茲以落成禮碧霞

重修馬駒橋碧霞元君廟歲工擇於十二日親致辦香慶落而

南頂中頂神廟亦丹麓鼎新因分日度詣瞻禮路便遂駐新舊衙門行宮

習習風輕花放蕊

濛濛露重麥抽芽因之更為

去聲

思膏雨祈稔吾懷詎有

涯

涼水河

涼水出鳳泉玉泉各別路源出京西南分流東南注

涼水

河出右安門西南鳳泉東流經萬泉寺分為二支一自南經草橋曲折東注一自北經廣恩寺曲折東注至永勝橋復匯為一東南流循南苑繞垣而東至小紅門之西入苑牆東南流經沙底橋折而南歷頭牆至二橋一畝泉之水自西來匯之又南而東至鹿園村三海子以上之水自西南來注之又東南流至五空橋出苑牆經馬駒橋迤東行至張家灣入潞河此涼水河之經流與玉泉之貫繞京城入通惠河者各不相涉也

歲久

未疏別率多成沮洳漫溢阻道途往來頗致誤

自古安門至永

定門地勢窪下每遇霖潦輒漫溢阻旅遂歲久未治積  
成沮洳通年以來清蘆水道出內帑簡大臣董其事自  
鳳泉至南苑進水柵口濬河三千餘丈又自柵口至馬  
駒橋濬河五千餘丈修建橋牐凡九新建牐五以資節  
宣於是涼水河之水乃得安流無患其濬河之上則於  
右安門外培養甬道一千餘丈以便行人河兩岸舊有  
稻田數十頃又新闢稻田九頃餘均資灌溉之利或云  
其地似江鄉風景者不知余之意期於農旅俱受其益  
並非藉此為點綴也

王政之一端未可置弗顧通年治水利次第  
修斯處建牐蓄其微通渠瀉其怒有節復有宣遂得成  
川巨川傍墾稻田更賴資稼務南苑紅門外歷覽欣始  
遇或云似江鄉寧飾江鄉趣興農利旅然永言識其故

謁元靈宮

圓殿碧宮堯

高居俯九霄松槐百年閔星斗萬靈朝  
顧諟瞻於穆屏營對孔昭誠哉禱久矣祇籲雨暘調

小獵三首

圍牆近以種田周柳外平原佈獵駒

近海子牆設莊頭種地植柳為限其

外平原皆獵場

適可而行適可止此來非特為春蒐

業已圍陳曠野間罷而弗用似耽閒設云愛物當春令

爾雅曾無菟字刪

磬控自知不及前挽弓兔兔獲纔連艷稱雙中曾噬彼

乙亥春南苑行圍一日射中八兔因有季登漫謂中雙兔一日雙還倍彼三之句今日小隊行圍射兔僅獲其二忽忽二十年竟如向之所嘆實堪自哂然余春秋六旬有四猶能騎射中雙雖未符昔日所云差足驗習勞弗懈之志非徒誇精力未衰藉以解嘲耳今日翻嗤我亦然

河南巡撫何燭奏報得雨詩以誌慰

山左知霑靈雨均豫郊切為繼懷頻優膏同日霈上已

及節三農利暮春

何燭奏河南省城於三月初三午後密雲連綿至初五日午刻入土六寸

有條尚未止息近省州縣東報大畧相同二麥滋榮豐收預卜且高粱早穀均當乘時播種盼雨將兩月得此可轉歉為豐農民欣忭其得雨日期興山左既同而勢亦畧相似足驗需被之廣耳 麋麥卜將登  
筥鹿黍禾欣已起耕昀京畿雖是猶堪待釋彼憂還念此  
諄

舊衙門行宮晚坐

古屋几筵清幾閒靜趣生雲鋪即望雨月上又嫌晴窻  
樹新來影簷禽話別聲壁詩一再讀何限昔今情

蔭榆書屋即景

一株古榆陰滿庭書屋昔日斯經橫設如刮目以相待  
猶故吾也增慙情喬孔之中落松子亦看拱把如桐梓  
榆樹上寄生松樹一株今亦拱把矣斯有故焉可得言凡骨欲換金丹耳

馬駒橋碧霞元君廟落成是日瞻禮有作

周禮或弗讀遂人久失職治水並治塗互因難惜力然  
古實用民今惟發價直國家之善政從弗興力役橋以  
跨川脩廟以鎮橋飾需殷相得彰落成值此日清曉出  
東門在海子東紅門外村民多喜色輪奐致辦香祈佑民福國

祥霽剛濕地

正值微雨

歸興雲破翼優渥以為佳降馨愧無

德

陝西巡撫畢沅奏報得雨詩以誌慰

秦川千里萬民稠民食全資三府收

畢沅奏秦川地廣民稠全賴西安同

州鳳翔三府屬歲獲豐收則通省均資饒裕連日霖霖輕霏時落時止不成分寸茲省城並近省州縣於三月

初四日辰刻至初五日午刻甘霖大霈下隰高原處處深透且雲氣濃厚雨勢甚廣遠近定獲均霈連日

雖霏未成寸暮春大霈始霑優時同齊豫真徵幸

連日山東

河南奏報得雨皆係初四五等日與陝西恰合其霑透情形亦約畧相同三省相距數千里同日均渥春膏實

為罕

澤望京畿轉切愁寄語膳章喜雨者漫稱吾德感

天庥

各省督撫奏報水旱則為之愁奏報豐稔則為之慰然未嘗以此為督撫賢愚之徵若明示此意將

必有諱文飾豐者雖日後得聞而民已受其害矣

### 新衙門行宮作

平郊間

去聲

斷麥苗青綠此索教獵騎停無事輕輿言至

早有懷虛室坐來馨琴書靜好通倪冕花木清真悅性靈一宿明當旋御苑又違六日侍

慈寧

豐臺

豐臺仍是舊名呼接畛連畦種植俱點綴韶光寧可少  
偷移天巧得曾無幻開頃刻欺殷七下策火攻學阿奴

日下南門精數典謂當花事祝蕃廡

日下舊聞引析津  
日記謂豐臺之名

不知所始朱彝尊按以豐臺疑卽拜郊臺因南門曰豐  
宜故目為豐臺云云其解未確考豐臺為京師養花之  
所元人園亭多在其地豐蓋取蕃  
廡之義臺則指亭臺而言之耳

釣魚臺

釣魚臺水別一源夥於臺下湧洌泉亦受西山夏秋潦

漫為沮洳行旅艱邇來治水因治此大加開拓成湖矣  
置牐下口為節宣滙以成河向東醴分流內外護城池  
釣魚臺下舊有水塘上承西山香界寺一帶山水每遇  
夏秋雨潦西山滙水灌注輒沮洳阻行旅壬辰夏命於  
香山別開引河引卧佛碧雲一帶山水亦注於此並芟  
治葦塘疏剔所有諸泉滙成一湖復穿渠建牐以資節  
宣導流由阜城門外分支一入西便門城渠流為正陽  
門前之護城河一由外羅城南而東為永定門前之護  
城河皆滙入通惠河以濟運

金湯萬載鞏皇基衆樂康衢物滋阜由

來諸事在人為

山西巡撫巴延三奏報得雨詩以誌事

晉省近而秦省遠報得雨乃遲於秦此非晉省特懈事

彼因馳驛此差人

巴延三奏山西省於三月初四五日得雨雷足數日前畢沅奏至陝西已

得透雨日期與晉省所報正同晉地較秦中為近不應奏函落後益秦省附單報馳遞而晉省則差人費進改近者轉遲於遠耳但令膏澤利農務遲亦何害慰亦真四省同

日祇斯欠頓為京畿問夜頻

### 自得軒有會

仲尼示三戒各自有其時余雖不言老於得可弗思然正未能免故可申言之貴居九重高富有四海彌何求

而弗得又何得之期熙績在百工難得賢良資足食惟  
三農難得雨暘宜二者佛仔肩耄耄所弗辭即令不得  
已爰有金川師進勦在旦夕難得紅旗馳是皆亟欲得  
奚能戒以離聖言無不該豈我獨異施祖禹訓養志或  
同彼所為

陝甘總督勒爾謹奏報甘肅得雨詩以誌慰

地瘠民貧處當春望雨時一犁膏已被丙夜慰堪知急

陣非傾注細霏乃渥滋

勒爾謹奏時屆清明望雨正殷  
茲省城於二月廿五日子時起

至未時細雨連綿入土五寸附近地方亦稟報霑足甘  
省大半山田若猛雨傾注不免順流直下今細雨紛霏  
絲絲入地高下無  
不深透農民稱慶  
霑欣北省遍益愧獨稽茲

雨

三月廿八日

清晨細雨達黃昏入地絲絲遍隰原正利麥田三月裏  
均霑薊野一心存濯枝潤葉非急陣饜飫優游實渥恩  
略慰渴希餘後望後茲時若敢輕言

西直門外

麥隴青含宿潤滋憑觀欣畏並深茲因懷喜雨亭記語

三月恰逢五日期

喜雨亭記云五日不雨則無麥

種齊禾黍綠苗鋪一雨都省生意蘇似覺今年憂略早  
更思憂幸未曾孤

御製詩四集卷二十

欽定四庫全書

御製詩四集卷二十一

古今體一百四十五首

甲午五

四月朔日齋居

三春倏已過孟夏又來臨所幸霑膏雨無能惜寸陰遷

居有常例

大齋於宮內齋宮居信宿預日詣壇

變食為清心政簡雖餘暇

仍勞盼捷音

我師臨賊巢甚近益切望捷音之至

詠題壁玉韞賜將軍阿桂

閨體誠資挽六鈞玉工琢作刻崖人漫嗤沙苑詩無謂

用方岳  
秋崖事

可識浯溪筆有神辟病多年疎射鵲心塵邇日

望書麟良球等度奚相稱合賜燕然勒績臣

題錢維城四季花卉小冊

杏

開盛常逢三月春不無姚冶却無塵笑他命醺賞花者  
那及候農望樹人

紫藤

紫萼垂垂亦自佳  
掣風懸露覆庭階  
不教依附喬枝上  
作者應緣別寄懷

西府海棠

謝朓單車赴處開  
世間原自鮮全材  
花中絕色辭香可  
似勝無端望蜀哉

梨花

佳人院落溶溶月  
思客情懷冉冉春  
一種淡然相伴處  
不怡神亦定傷神

千葉桃

千樹桃花千葉開  
微之詩裏見曾來  
塵凡自是無仙骨

劉阮何能得重

去聲迴

杜鵑

杜鵑鳴際杜鵑花  
望帝深春託欲差  
自是天然羊韻好  
盤盂翔鳳底為耶

黃薔薇

洞在上虞山  
以東東來正色是黃中  
底緣有刺防人采

衛足由來色正同

魚兒牡丹

花全不似葉微似何事居然號牡丹  
姚魏肯容輕露面  
先教魚信示人看

右春花八種

淡竹葉

綠葉青葩傍砌幽揚猗簌簌也風流漏名花譜  
厠竹譜  
自喜應為君子儔

茉莉

風前月下最難猜  
無色有香細細來  
榮弗於冬獨於夏  
可知品第合輸梅

石榴

紅瑞花襯綠瓊葉  
日彩露華相映鮮  
海濱山陬開處處  
至今誰復憶張騫

金絲桃

綏山別種色如金  
拈示應從佛國尋  
試看一花開五葉

偈傳初祖到如今

石竹

牆根石角嫵媚者曰竹而饒艷朶蕤幕遇子猷應不識  
此君胡乃頻如斯

錦葵

又名回蜀葵

繁開淡紫與深紅文采斑然致不同漫道天方來此種  
斯人應未讀陳風

虞美人

風前似折舞腰斜應曲之言無乃誇

見益州草木記

榮辱世間

有何定帳中人作陌頭花

夾竹桃

夏中開可至秋闌葉竹花桃頗耐看莫謂嶺南來冀北  
猶非送暖與偷寒

右夏花八種

木芙蓉

水蓮開盡木蓮開體異名同莫漫猜最是秋江夕陽落

晚粧一例照紅顚

鳳仙花

翹然頭翅若飛騰誰與丹山號浪增詞客喻言無足怪

頻吟却笑宋家僧

羣芳譜載宋僧北澗兩見詠此花句  
夫僧家所戒綺語豈伊有悟拈花之

耶 音

藍菊

菊譜分來種畧賒色藍質薄頓珠差忠如盧奕生子杞

何必區區責草花

桂

東方比擬早稱顏馥郁惟應馨一山疑是月中無隙地  
故教分子植人間

剪秋羅

金剪紅羅玉尺持漢宮秋到內人知相將打疊禦寒計  
賦扇班姬獨構思

木香菊

淺黃開久變淡白郁烈因之號木香花譜名難僂指數

上聲  
合教迷目歎柴桑

秋海棠

淡紅幾點小牆陰  
八月春光耐可尋  
灑淚若云傳怨女  
應須幕感擴充心

萬壽菊

葉花與菊總無同  
色則同黃更帶紅  
謾道姓名漏芳譜  
稱觥曾是入幽風

右秋花八種

重禁梅

梅中奇品稱重葉紅瓣其鬚復簇黃寄語莫疑渾是杏  
試聞杏可有斯香

水仙

不藉清泉與白石折枝數朶自嬋娟恰如阮部傳真蹟

天海沖瀾聚衆仙

五代阮部有女仙圖向  
入石渠上等曾題以句

楊妃茶

豐體由來耐冷堪紅醺雪裏面微酣得名應自閨中曰

節度原曾住劔南

玉蝶梅

絕無他色惟白色  
綴有青香孰采香  
因惜春駒尚遲候  
故教幽夢學蒙莊

金盞

盞金似矣闕臺盤  
承酒終於味少酸

羣芳譜此花味酸寒無毒

小草

漫嗤根柢劣四時  
開伍桂和蘭

綠萼梅

蒂碧梗青跗白花真看通體足清嘉素牋宣是羊權宅  
却降仙人萼綠華

寶珠茶

燦爛常開密雪中葉深綠擎去聲朶深紅女夷司艷多神

巧下策寧辭火齊烘

蠟梅

縱云梔蠟實芳蕤猶勝東郊鞭賈為四季寓花殿以此  
人雖去矣寓深思

右冬花八種

總河吳嗣爵奏清口及車邏等壩事詩以誌慰

壬午定水誌踟躕未敢信

壬午南巡閱視清口為洪澤湖尾閭且審知下河受災由

於五壩之過水與其聰五壩為漏卮之供毋寧洩清口為釜底抽薪計顧向來司事者狃於蓄清敵黃之說不肯輕展口門貽誤非一朝夕因於壩面定為水誌若誌外長水一尺則開清口十丈視此為準遞長遞拓俟秋汛復清水稍弱即收築口門如舊彼時初定章程姑試行之未敢必其果有效也

乙酉視清口

畧慰三年順

乙酉春南巡復親臨相度詢之高郵老民則稱自展拓清口三年來五壩總未過水下

河連歲有收叩首慶謝幸吾計之偶中為之慰懷

今復十歲閱光陰迅一瞬河

臣遵此制幸未致轅債湖上四十載十八水灾起車運

及南關補苴徒勞紊豈如視清口水誌為退進

前此洪湖勢溢

每為下河之患高斌督河時因增築天然壩以障湖流其運河東隄車運等壩得以堅閉下河州縣曾獲豐稔後遇湖河盛漲啟放夫時遂致潰決自清口既暢湖流宣洩有資下河永無水患車運壩始得永遠堅閉昨具嗣爵奏清口河壩情形因論將未定水誌以前上溯四十年查有似此安然無事者否茲據履奏未展清口以前四十年中被水成灾者十八年而自壬午開放清口至昨秋已十二年下河並無被水之事其效已顯然可見矣

開築兩壩料河臣昔所靳

河臣之憚於展拓清口由於靳惜工費而未計及每年收

放口門為費無多其視灾賑之需曾不及千百之一且下河億萬居民藉以安恬豐厚其為利賴又奚啻霄壤

乎以較賑恤費省豈千百僅而億萬蒼黎綏屢無愁饑  
斯過既弗辭斯功亦不遜南巡第一政庶未孤清問  
雩祭禮成述事

六宗禋祀溯洪元都為吾民衣食源近以三春幸蒙  
澤遠因百穀更祈

思單心惟在敬誠實勅

命寧闕禮樂繁

昭假正逢霈甘霽

祭時正  
值雨

淵衷感切莫能言

卷二十一  
一  
雩祭畢雨中迴鑾之作

請雨寧妨雨濕衣禮成仍喜雨中歸因傳執事胥頒賞

在壇執事人負朝衣不免霑  
濕因聚命行賞以均天貺

歛錫

鴻庥猷不違

霰霰時疾復時徐迤邐天街度玉輿比戶賈商且和樂

足知農父更欣如

入城仍復出城闔咨

起居因返暢春廿里煙郊苑綠潤

膝前奏對悅誠真

前日麥苗今麥穗果然農務最爭時  
益希優霈益當好不知足惟念在茲

首夏御園

居諸凡五覺無何景物犁然向夏多  
雨霽雲輕仍春戀早涼午熱却清和  
牡丹謝埭收春色芍藥翻階烘日窠  
閣漏晝長奚遣暇書蒐四庫足研摩

題清暉閣

高閣清暉寢殿傍多年恒與坐相羊憂霖望雨題何夥

惕夕乾朝政每憂植綠蕉惟愛聽颯

北方芭蕉至夏月乃可出塢植於庭

補新松亦漸成蒼

癸未回祿後補松連今又十二年矣

那辭兩鬢添霜

白猶勵初心勉未遑

陣雨

四月初四日

西北晚生雲雷聲自遠聞天中睜眼到雨脚亂綠禁凹

土全存水遡霄漸斂氛利農真是好敬畏以為欣

題清暉閣四景

松雲樓

閣前陳地狹而長點綴聊為小景償恰似倪迂展手卷  
補松雖稚亦含蒼

露香齋

樸齋十笏豈須多饒有窓前花木羅一雨不惟蘇禾黍  
朝來浥露滿芳柯

涵德書屋

假山上築小精廬棐几消閒可課書韓愈曾因著原道

卷二十一  
據之二者合誰歟

茹古堂

書史由來最沃心茹之自外入中深井田封建行豈可

好

去聲

古還當準以今

戲題彙芳書院

一年未必兩三過半為

去聲

少閒半景多彙得春芳待誰

賞徒來夏首引予哦役心謀目免則孰厭舊喜新朝任  
他壁上題將閱廿載笑笑茲把筆復為何

抒藻軒

文軒書院裏松植已成鱗  
瀟灑塵氛遠精良筆硯陳  
窻曦原似故砌卉又從新  
擘紙將抒藻澹華期返淳

涵遠齋

齋自構軒後而却名涵遠  
豈不棟宇遮不遮亦自宛  
指固蔽泰山興可飛閭苑  
以此有弗怡提音盼早晚

倬雲樓口號

總在一區書院中安名立字各無同  
倬雲若問即景句

幸釋宣憂賴化工

題意林四絕句

集錄裁成庾穎川  
意林三軸用茲傳  
漫嫌撮要失備載  
嘗鼎一臠知味全

都護安南政不頗  
用儒術致政平和  
奇書五卷銅柱二  
無忝祖為馬伏波

六經萬古示綱常  
諸子何妨取所長  
節度豈徒務佔畢  
要知制事有良方

五卷終於物理論太元經下已亡之

唐戴叔倫序云梁  
顏川庾仲容廣搜

採異為子書抄三十卷扶風馬總又增損庾書裁成三  
軸曰曰意林云云又河東柳伯存序謂其文約趣深著  
華盡在且以為懷袖百家掌握千載稱美持至案此所  
集子書起於鬻熊訖於中論統計七十一家但柳序謂  
存為六卷今此書目錄僅有五卷至楊泉物理論而止  
其太元經以下六種則闕佚無存蓋又失其半卷矣

設非天一閤珍弁片羽安能欣見斯

### 趙孟頫溪山仙館圖

面有橫溪背有山高樓敞榭築其間丹臺不藉庾申守  
白屋堪消九夏間大嶺出雲猶岸律飛泉落澗亦潺湲

但無塵意斯仙境卽在衿喬共往還

賦得善人為寶

得良字八韻  
考試差題

國寶惟賢又天工資贊襄楚書已舉要元史更言詳

元史

仁宗語

顧俊登巖穴宣猷佐廟廊濟川作舟楫珍席匪

琳瑯內俾紀綱理外期民物康穆公思蹇叔章帝獎劉  
方惻怛斯為至嚴明未是良臯陶賡拜語慎憲我其震

題慶元黨禁

宮闈通情侂冑求

慶元初韓侂冑既專政用京鏐何澹  
劉德秀胡紘四人為鷹犬斥逐異己

者目為偽黨宰執則趙汝愚留正王蘭周必大四人待制已上則朱熹等十三人餘官則劉光祖等三十一人武臣皇甫斌等三人太學生楊宏中等六人士人則蔡元定呂祖泰二人皆貶斥禁錮及鏜澹等相繼罷死始得追復而正人之淪亡者已不少矣侂冑任羣小以攻偽學終貽誅殛自取其罪然跡其得志之由則趙汝愚不能辭過放寧宗之立汝愚時知密樞院求能通意於慈福者侂冑詭稱為太皇太后親屬汝愚遣人白乃因內侍闕禮請得入使諭意汝愚其論遂定侂冑由此自謂有定策功依託肺腑居中用事奸餞日熾甚至竊擅兵權交通吳曦幾亂國是汝愚亦因貶謫而致宰臣當大事不以正道顧乃委信僉邪干求官掖冀欲藉以居功不知適以貽害開門揖盜誰任其咎哉汝愚曾是失深謀慶元黨禍延邦

### 國揖盜開門自有由

詠痕都斯坦四照花玉洗用漢樂府相和歌體

琢銀肪之盈朶晶瑩山輝鏤蟬翼以隨規潤研  
水磨耳蓋垂而雙卷跌蕩結而層承美惟西極斯  
通貴豈南琛可尚花開四照偶徵迷穀標名組集  
五言聊擬戲蓮具體春華秋實擷佩皆宜月檻雲  
窻詠歌是適

花開四照東扶桑旭暎紅千葩將萬卉頭踏領春風  
花開四照南生意芳蕤含迦葉底微笑拈處示瞿曇

花開四照西細葉扶柔萼設擬誰山種

上聲

佩之應不迷

花開四照北如脂好顏色貯水問何宜惟宜八功德

題宋人勘書圖

嘉賓勝日集庭除瀟灑松陰共勘書惟是研精契倪筦

詎寧詮與到蟲魚陶陰自古讐難校刑典猶存語不虛

寄謂新編四庫者

時芳苞輯遺書選派詞臣校勘分別鈔刊彙為四庫全書

漢家中

墨可能如

題鑑遠堂

香山將欲駐三日前苑因之詣詰朝必

告喜膳

體康健勅幾仍戒意逍遙膳傳牘覽聊斯憇波態煙光  
任彼撩題額兩言曰鑑遠遠寧易鑑式心幼

澹會軒

碧水四圍周幽軒一晌留花間清馥遠樹夏綠陰稠  
祇合無心付緣何有句酬曰惟會以澹萬景任紛投

月波樓口號

玉界樓臺學廣寒庭枝都擬桂枝攢月波自是月波好

笑我曾無一度看

此樓成亦廿餘年矣而偶一遊觀不過辰來午返從未過夕故云

### 題望蟾閣

慶典本緣學武昌

是閻式肖黃鶴樓為之蓋六旬萬壽阿里家為湖廣總督慶典聖母

所備嫌其所費多因賜以萬金而留材木構閣於此云

構移湖上恰相當倒看山

景入紈影遠挹天光接鏡光惟是經年偶睇眄幾曾信

宿此徜徉因之即景思崔詠祇合於斯筆硯藏

### 廓如亭

湖岸構敞亭滄茫暝煙水萬頃固其誕縱橫實數里初  
緣虞夏濂繼為去聲興春耜因之有隄岸種以桃與李復

間去聲置樓臺六橋亘迤邐於外則鱗塍拔前多陪蓰利

農兼綴景初豈計及是因循有是乎為愧非為美將欲  
遊香山登舟必由此虛明綠廊如庶幾同斯耳

泛舟由玉河至玉泉山登陸往駐香山靜宜園沿

途即事得六首

靜宜未到又經年偷暇聊遊首夏天且喜玉河新水足

順途便一泛蘭船

橋橫玉帶別湖河

橋東為昆明湖西則玉河

課織觀耕攬結多插遍

稻秧蠶上簇活圖畫裏漾舟過

纜牽條至界河樓目已遊之漫繫舟却愧無端多構築  
似茲閒置笑何由

玉泉泊舫換輕輿竟過名園弗憇諸遙識香山待題句  
此間姑舍亦應如

入東門便出西門夾路菁蔥快目存麥已穗抽黍苗茁

農功今日畧堪論

霖潦昆明艱受諸導流南下別開渠

香山卧佛及西山一帶山溝夏秋雨

水下注俱歸靜明園之高水湖轉入昆明湖遇山水過大之年漫流積潦既淹沒民田而滙入昆明湖者宣洩不及水去隄面無幾壬辰夏命英廉等於香山東昆明湖西開洩水河二其一東北流至安河橋歸入清河達通州以濟運其一東南流歸八里莊南之釣魚臺河以達阜成門之護城河下至西便門外分為二一由南轉東過前三門入通會河一折而西入轉南而東繞外城七門亦入通會河同達於通州以濟運自此河開成河東民田全免水患昆明湖亦無漲溢之虞矣

憑輿經過觀工就惟是勤民念

切予

初夏駐香山靜宜園即景

三春無暇夏初來，景入清和又異哉。  
樹佈嘉陰迎意爽，泉垂古調待人陪。  
高巢知雨鳩呼婦，平阪逢晴鹿養胎。  
鹿於仲夏生麋亦必雨中始生育物對時廔輔相，詎惟尋勝暢吟材。

樓雲樓作歌

春杪夏初頻作雨，既利麥麩與禾黍。  
亦云及潤未優霑，樓坐樓雲便延佇。  
從來於澤豈辭多，去年曾此逢滂沱。  
何處而忘祈農意，寧惟適己遊卷阿。

來青軒

虛軒向遠幾楹開  
斐几繩牀此鎮陪  
據俯西山飛翠處  
今朝恰喜共青來

弘光寺

石磴盤登九曲松

磴道九曲松栢參天皆數百年物也

弘光路轉永安香

寺名峯右廂梵應左廂梵東寺鐘連西寺鐘  
忍草閱春增

秀拔慧枝過雨越陰濃  
內僧幾箇供灑掃  
那有禪和幕  
地逢

香巖室

松磴陟幾盤蓮宮現一字精室佛殿傍開窓俯林楚淨  
看來四鄰鼻觀參半炷欲擬詢德雲誰能復誰所

超然堂

肩輿出石牆問景厯雲磴清和底事佳林巒明且淨巖  
堂倚翠峯超然向所命憑覽亟窳廓青郊百里暎麥穗  
望秋成禾苗芄夏令此後祝時若庶可綏屢詠無處不厘  
農詎茲誇濟勝

曠覽臺

書堂傍有軒上足蔽風雨敞不安窻櫺俯欣暢觀觀盡  
境張林岑詩趣藏品語據高可號臺而非五層舉設以  
言其崇百丈猶卑土是知在所託功倍事半古孟子不  
我欺推行艱善處

碧峯館二首

曲廊益上益探奇室倚碧峯活畫披便與攝山同秀拔  
肯輕紗帽漫名之

去歲於此有設使樓霞幕移置於  
玉冠亦無殊之句紗帽其舊名以近

俗故易名玉

冠見南巡詩

拈出宛如迦葉逢果然青色轟芙蓉太冲詩句話成

兩

禪家以不識色空真諦者謂之話成兩極

峭蒨菁蔥會一峯

### 靜室

山因迴得平室以高斯靜每列必成憇憇則意為永几有筆

可拈架有書堪省却憶漁溪說

謂太極圖說

主之在自領

### 碧雲寺

拾級登雲磴探元叩法門真宗標相好滿字演風禪古

柏陰籠殿閒花香護軒山房築東壁德水挹清源

洗心亭效蘇軾體

亭子水之心因而欲心洗萬事心所為洗豈外夫彼然  
則心洗心實類水洗水譬如指觸物指艱自觸指以我  
云即我亦弗異乎此迷頭認影者顛倒無一是數典自  
雲棲誤匪由我始

試泉悅性山房

倚壁山房架幾楹泉臨階下泚然清玉泉第一雖當遜

碧雲寺水較玉泉山之第一泉品固稍遜  
然汲以烹茶味極清冽亦玉泉之火也  
喜是汲來就

近烹

泉色泉聲兩靜凝坐來如對玉壺冰  
拈毫摘句渾艱得都為忘言性與澄

題張宗蒼山水

試泉悅性此徘徊畫展宗蒼心為開水閣幽人相對處  
率忘今昔往和來

山雲

山雲過午濃  
霽霽諸峯適以今朝遇  
那忘去歲逢

去歲

閏春駐此  
時值淫雨

為霖誠復好於澤  
豈辭重入夜時聚散問窮

丙夜鐘

曉

夜短晝長時  
夏山忽易曉  
緒雲散作絲  
尚戀高峯繞  
雨勢霈未成  
旦氣清猶好  
繼霽斯益佳  
芒種待穗飽  
惟此祈年心  
展轉縈懷抱

風

山中易作風雲散風隨至萬竅本怒號千林更助勢既  
嫌阻雨澤復厭揚塵翳幾曾誇以雄惟覺慮乎備解之  
者前曰於夢或有利性涼實憎熱擺浪乃宜穗其然豈  
其然故惡巧言輩

題梁楷右軍書扇圖

豈是會稽是蕞山姚持竹扇為書還初看五字生慍色  
不荅重來笑破顏

詠宣蜜霽紅瓶

暈如雨後霽霞紅出火還加微炙工

見天工開物

世上硃砂非

所擬西方寶石致難同

見遵生八牋

插花應使花羞色比畫

翻嗤畫是空數典宣密斯最古誰知皇祐德尤崇

間見前錄

載宋仁宗幸張貴妃閣見定州紅瓷罷問安得此物如以王供宸所獻為對帝怒以斧碎之妃愧謝久之乃已云云是北宋時已有紅瓷罷也

### 題太平御覽書六韻

太平誰不喜求實匪求名必也勵乾惕還當戒滿盈設  
徒資黼黻終致詡豐亨宋帝懷懃德三書弭衆英搜羅

雖已富考證未云精四庫翻其目五言寫我情

娑羅樹歌

震旦號交讓梵天稱娑羅交讓虛名誰則見娑羅實有  
而弗多徒傳巴陵及伊洛弗宇對峙聳枝柯香山寺前  
今見一千年外物猶婆娑巨本擁腫幹埤塹輪囷如嶽森  
嵯峨鬱蔥葉葉必七瓣定力院契歐陽哦我聞如是佛  
成道八佛八樹名殊科毘舍浮證涅槃際即此娑羅誠  
非訛梵僧攀泣思往事

見荆南記

未識佛在理則那笑我

卅年未經詠

癸亥始遊香山至今三十年矣成詩不下數百首而未經詠此樹

或者有

待今斯過萬劫一瞬應視此視此靈根戢晉恒友優曇

拘那含牟尼佛成道樹

及普陀毘婆尸佛成道樹

### 詠金蓮花八韻

是蓮不出水非菊却宜山色擬瞿曇面笑開迦葉顏風前

足丰韻夏永伴幽閒花譜新方著詩題舊弗開

元以前無專詠

此花者惟周伯琦賦得藥河篇有金蓮滿川淨如拭之語及上鄴紀行詩注見其名治欺魚未戲

夜喜鶴猶還綠玉雕葉側黃金簇萼間江南休問采月

裏漫疑攀近識額濟爾真觀植渚灣

近土爾扈特歸降始知其所居額濟

爾河內有黃色蓮花亦足備異聞也

### 歡喜園

佛殿邊傍構精舍取名自合梵宗兼因之兩字額歡喜  
亦欲六塵澈淨巖座聽鐘聲白業習窻含麥色綠郊峴  
踰未副今來望澤祇纔滋尚待霑

### 雨香館寫懷

今歲雨香遜去歲雨雖滋矣待其滂但祈禾黍優而渥

那在水花芬與芳宇宙以來此山色冲融之際蕩煙光揮毫得句肩輿去宜靜處偏我覺忙

玉乳泉

靈山必有泉有不一其所清泚斯為最因之名玉乳冷冷出於竇容容貯為池更下滲不見雲漿例靳之喋喋圖奇峯間砢陰嘉樹滴滴是曹溪宜有天龍護秋月以為印春風亦為漪畢想千年上何人此樂饑非瀑寂無聲是窪宛有象設即擬為樽沆瀣承斯當

無塵到淨區有列出深孔即景詠小雅瞿然為之恐

玉華岫

泐嶂陟曲磴崕帝據小巔寺高因出樹山秀以淙泉鳥  
下如聽梵禪揚自演禪桂花猶未發

是處巖洞育桂

誰曰四時

妍

題正凝堂

凝實藏之象散則紛而馳洗心退藏密凝宜散匪宜其  
凝復欲正克已復禮為苟或紛憧憧朋將從爾思名堂

義在此豈謂臨方池

見心齋口號

一片波光掇見心坐思此語更宜斟萬緣孰不由心見  
莫漫迷頭認影尋

融神精舍

構室方種松百年將遽待不如就松構樹已逮千載境  
幽景自古事半功惟倍形則立仙翁聲亦泛濤海神實  
與之融吾斯所以乃

來芬閣題戲

種荷池裏幾

去聲

來芬來不以時芬那聞藕在波心如有語聊

因無布且疑麋

養源書屋

書屋琳池上因之號養源  
盈科學以喻絜矩政堪論  
都是懷慚處寧其悅目存  
芸編原滿架祇惜偶披翻

山行四首

山行不約險和夷攬景惟因意  
與宜風過樹陰益覺爽雲

依峯頂自為遲

憑高俯下最怡情近郭遙村景畢呈忽向其間生轉念  
漢章詔戒刻為明

乘禾長

上聲

夏麥將秋此際真宜時雨優近每作雲風每

妬慰心無幾盼仍愁

雖然章奏日常披究覺餘閒自愧之清蹕明當御園返  
便宜新得數篇詩

題學古堂

庭樹方迎夏階花早饒春寢興恒此熟景物又從新絲

竹誠何藉

用王謝事

簡編良足親入官資學古況乃治官人

### 澤春軒

散步書軒覲面迎泰初兩字額題楹

我澤如春夏侯泰初語

宣期

下應從如草亦欲旁通靜以情畫入一窻展山峙聲澄

萬籟祇泉鳴鼠姑幾朵留春色

御園牡丹謝盡此處尚餘三四朵致可玩也

憐爾依然善副名

### 虛朗齋有會

外朗含內虛內虛受外朗一二二而一動靜交相養內  
或有蒂芥外必致擾攘外動縱紛紛內靜自蕩蕩動歸  
靜有因靜根動無象生白漆園言其義所包廣

山陽一曲精廬

山環路轉景頻移曲曲無同步步奇擇向結廬還倚嶂就  
卑引水每縈輝軒非高架惟敦樸坐弗逾時亦啓思小  
許率能勝多許不然局不試觀斯

淨涼亭

碧水園亭淨且涼  
祛塵心與澈方塘  
何當無事其中坐  
一卷書消九夏長

得一書屋有會

一水檻前呈龜圖  
悟始生萬形不二  
照有象本無營詎  
必言垂釣誰當思  
濯纓清寧如合撰  
吾亦勉為貞

香山迴蹕至玉泉  
山靜明園小憩傳  
膳理事遂登舟  
詣暢春園問

安之作

香山三日駐言迴東道靜明小憩陪玉食敢忘已饑念  
實懷惟渴衆襄材寧須遊苑延時久便以登舟順水開  
為詣暢春咨

懿豫賞吟佳處待重來

王紱鳳城餞詠小軸

或稱畫錦或稱還送別情殷握手間便是墨禪一再寫  
可能透出利名關

題宋仁宗武經總要六韻

論兵千載如聚訟真是徒工紙上談居重馭輕自不易困

民養卒則何堪若言愛物斯誠有以曰知軍或未諳

宋仁

宗為三代以下令辟其勤民愛物誠有足猶然優柔畏事之見在所不免至於治兵用武諸要務則固非其所

長龐籍汰多意猶肆韓琦救後慮惟覃

仁宗時內外某廂軍總一百二

十五萬天下患兵冗帑庾不能給樞密院使龐籍請議  
揀汰之法從之省兵纔數萬人韓琦復云祖宗時就糧  
之兵不甚多邊陲有事則以京師兵益之其慮也深而  
費也鮮願詔樞密院同三司量河北陝西河東及三司  
堆貨務歲入金帛之數約可贍京師及三路兵馬幾第  
何立為定額詔按祖宗來兵數以聞自是稍加裁制

觀卅卷稱綜古詎足武經為指南旗籍綠營維內外

宋時

召募之兵膳良民為之雖有兵之名而不適於用蓋古者寓兵於農由於列國分界人戶無多不能復判兵民為二而非所論於大一統之世也杜甫詩已見其弊即如練旗未嘗不經訓練尚且憊懦無能沉驅不習之民而歸之卒伍乎宋明之弱未必不由乎此我朝滿洲兵制以黃白紅藍正鑲各一列為八旗分兩翼各案方居京城內蒙古漢軍兵亦如之復掄其精者為健銳火器二營外省營制則用綠旗漢兵分列營伍而南北諸大省亦間用滿洲兵駐守內外相維深資利用然總未至一百二十五萬之多祖宗立法盡善誠萬年所當遵慎遵守也

祖制萬方戡

詠宣德密無當尊

一窰成器必不少其式相同應亦多銅膽置之詩詠彼

內府舊有宣窰俗所謂杖鼓尊者頗多後得一尊其中  
銅膽底錫宣德年字因名之曰無當而繫以詩此尊正與  
同製而無膽為之置然銅  
膽豈可每尊隨而有之 瓷尊肖也例從他兩端皆坦

雲為簇中孔惟穿月作窠景泰兼資識宣德

宣德銅膽  
既不可多

得因用景泰珞珈法為  
膽代之以慎無當之誚 韓非誠語義無磨

### 題董誥夏山十幀

出岫無心仍作岫其奇原一氣之蒸草亭慣坐看山者

忽訝誰為增幾層

右雲岫蒸竒

或坐溪亭或巖洞同為銷夏致無同松風一例拂煩暑  
操出水絃不藉桐

右松巖銷夏

誰歟閒泛採蓮舟託意應知有所由序讀昌黎溫處士  
於君子內拔其尤

右蓮塘摘艷

乘涼水閣試憑欄  
影輕搖波面瀾  
凝思伊人如摘格

不為島瘦定郊寒

右水閣微吟

閒浮蘭舫傍溪塘樹下陰鋪風度涼却看船頭安茗鉢  
對談人必陸和張

右湖船茗話

林扉深護曲崖隈幾架虛軒向水開似聽蟬聲深樹裏  
也知早晚報秋來

右林扉挹爽

白雲山房詩集 卷三十一  
霽靄濛濛望欲迷  
柳絲濕共雨絲低  
漁人此日艱垂釣  
雨收船泊淺溪

右柳溪過雨

風吹水面晚來涼  
櫓搖去聲真僮泛野航  
不肯言旋饒逸

興遲去聲升明月漾寒光

右晚涼閒泛

碧梧之下敞溪堂  
對坐幽人好納涼  
中婦已曾具雞黍  
相知應是劇談長

右風軒留客

溪亭曠望接長空  
背峙嘉陰灌木叢  
底事清芬拂幘面  
春光本是有家風

右灌木迴汀

微雨

四月十七日

四更聞雨聲  
颯沓止以頃  
詰旦望雲氣  
曉曦暎為縉  
少旋聚復陰  
西南雷起奮  
湏臾到天中  
雨勢靈成陣  
而何剛半刻  
收向東南迅  
地皮纔溼  
穴未及一寸  
麴麥穗

欲粟禾黍苗方振斯惟喫緊時胥待優膏潤徘徊無足  
慰忸怩益增悶

題劉一清錢塘遺事

失策明題去建康却耽山水便都杭

見一清首  
編序語

湖邊歌

舞酣餘樂天外嶽欽棄遠荒八帝歷年纔百五

帝昺不  
足紀年

自高宗至端宗享年一  
百五十二年舉成數也

多奸少正致淪忘翻書千古垂

殷鑒漫例飛鴻徒號堂

是書為汪啓淑飛鴻堂所  
藏因假借目送飛鴻事

詠漢玉盈尺素璧

色染安期棗圓疑溫嶠臺曾無穀蒲刻漫致子男猜憶  
錯他山石幾經劫火灰居然廁文玩笑此底為哉

題木繪四時景物屏

遠村晴颺酒旗風  
町畔牛閒睡牧童  
並立老翁若聞語  
似嗔春及惜農功

右春景柳岸煙晴

荷亭閒坐淨涼披  
活脫杜陵五字詩  
更命拏舟採其最  
遠觀不已近親之

右夏景荷亭涼淨

瀑水如琴落石峽  
虛軒臨水月當空  
高人憑聽秋聲處  
欲問歐陽同不同

右秋景月榭泉琴

喬柯突兀冷風颼  
詩意瀾陵橋上求  
欲借六花傳別謨  
果然寫出玉雕鏤

右冬景雪橋詩話

夜雨六韻

四月十八日

過午渾無望生雲忽有逢傍中仍聚散入夕遂霏零疎  
密點相間悠揚勢越濃難安一尺枕聽徹五更鐘剗地  
潤三寸知時慰九農優霑斯盡美遂止惜猶重

夏日討源書屋

夏清於斯退食頻林扉如沐淨無塵選材賢否閱多士  
咨政俞吁覲衆臣幸遇雨滋慰猶淺却看雲散惜誠真  
自知不知足為過觀過或為不遠仁

詠額摩鳥十韻

嘎拉巴之鳥其邦觀已難忽隨番舶到因命繪形看佛

朗機

西洋國名

人識大紅海島攢具圖還具說

西洋人有圖冊載此鳥形

賢及其臟腑系說甚詳即佛朗機亞國惟悲復惟殫性王所命圖以流傳者也國說附錄於後

善弗為猛喜炎最畏寒通身毛作絳垂喙肉標丹翅虎

邨能翥尻髯頗亦安

此鳥翅甚小有五管下垂而無長翎不能用以飛騰而尻無尾毛亦

復無礙其行動也

訝成無翼至曾匪有心干世樂休徵瑞

三才圖會

載臨海山有世樂鳥其狀五色丹喙赤首有冠云云茲額摩鳥有冠頗與世樂鳥相仿佛廣東人因亦以太平

鳥名 之初末紀官珍禽雖不育聊作異聞觀

西洋人所記額摩鳥圖說云額摩鳥古今圖籍  
未載西洋舊無此種於其國一千五百九十七  
年當明萬曆二十五年丁酉紅毛國人始得自  
噶拉巴海島携來西洋云即彼國亦罕覩也後  
六年紅毛國人復於噶拉巴得二鳥皆不能畜  
當本朝康熙十年辛亥有勝老楞佐海島頭目  
自印度國估舶購得獻之佛朗機亞國王畜之  
四年死國王命工詳圖其狀鳥高五尺五寸自

頂至頸一尺五寸俱無毛惟腦後短毛甚稀頭緣  
頸翠其連脊處及喙皆紅紫色喙下垂贅肉兩片  
長寸二分廣六分許下圓如茄袋亦紅紫色嘴上  
下畧同他鳥頂冠高三寸骨自頂稜起至嘴左右  
三分如裂形色堅緻若牛角近嘴兩孔為鼻其目  
大六七分睛正圓外黃暈類獅子睛其光色如金  
剛石也目上眉灣如月兩耳孔大三四分顯豁呈  
露其旁微有黑毛舌入腭間長可五分許翅藏兩

脇毛下甚小有大管五黑色而無翎排次如人指長  
約三四寸自脊至膝上毛皆麤散作黑絳色彷彿熊  
豕毛長數寸兩毛生一管中不類他鳥翎羽故僅足  
蔽體無助飛騰也尻形如鶴而不生長翎脰以下皮  
如鱗甲圓徑寸許似鶴脰而大足三趾無距爪堅實  
有力紅毛人言能向後攫物又言每歲脫毛時冠亦  
隨脫又言無舌無翅驗之皆不足信也此鳥在噉拉  
巴名額摩在佛朗機名格素爾性極馴以手撫之輒

御製詩四集卷二十一  
依人而立與以諸物皆就食而常飼則惟蔬穀亦愛  
食魚飲豕必仰首而吞蓋以舌在喉間不能舐取耳



御製詩四集卷二十一